

Bapa Suci Fransiskus pimpin Misa Requiem Sri Paus Emeritus Benediktus XVI

Bapa, ke dalam tangan-Mu ku serahkan hidupku

TAKHTA SUCI: Sri Paus Fransiskus mengimbas kembali kata-kata akhir yang diucapkan oleh Tuhan, semasa Misa Requiem untuk mending Sri Paus - Emeritus Benediktus, pada pagi Januari 5, 2023 di Dataran Sto Petrus.

Fransiskus menyatakan, "kata-kata terakhir Yesus menyimpulkan seluruh hidup Tuhan, sebuah kepercayaan diri dan penyerahan yang tidak henti-henti ke tangan Bapa-Nya." Tuhan adalah tangan "pengampunan dan belas kasihan, penyembuhan dan belas kasihan, urapan dan berkat," ujar Sri Paus Fransiskus sama seperti Dia mempercayakan dirinya ke tangan saudara dan saudari-Nya, menawarkan pengorbanan agung hidup dalam mengasahi dan melayani orang lain.

Devosi agung

Bapa Suci Fransiskus mengatakan Yesus mengajak kita untuk menyerahkan semangat kita di tangan Bapa adalah program kehidupan yang memberi inspirasi dan membentuk hati setiap paderi, agar "mereka kagum dengan pengabdian yang bersyukur, dalam pelayanan kepada Tuhan dan kepada umat-Nya, pelayanan yang lahir dari kesyukuran untuk pemberian yang benar-benar baik."

Katanya, ini menunjukkan "keakraban Tuhan" yang besar yang mengamanahkan diri-Nya kepada "tangan murid-murid-Nya yang lemah," agar mereka dapat menjaga umat-Nya dalam pelayanan dan pengorbanan yang penuh kasih sayang.

Prelatus itu meneruskan lagi dengan gambaran ciri-ciri seorang paderi yang berusaha untuk mengikuti Tuhan, di mana Bapa Suci menyatakan, "pengabdian doa" diperlukan, yang "dibentuk secara senyap dan diperhalusi di tengah-tengah cabaran dan rintangan yang mesti dihadapi oleh setiap pastor."

"Seperti Tuan, seorang gembala yang menanggung pelbagai cabaran dan tekanan untuk mengurus umatnya, terutamanya dalam situasi yang memperjuangkan kebaikan untuk menang dan demi maruah saudara dan saudari kita terancam."

"Tuhan menawarkan roh lemah lembut-Nya yang bersedia untuk memahami, menerima, berharap dan sedia menghadapi risiko. Roh yang mengekalkan seorang paderi walaupun menghadapi cabaran, dilahirkan dari kepercayaan dan keyakinan paderi kepada Tuhan."

Setiap paderi Gereja, tambah Bapa Suci



Paus Fransiskus memegang peti jenazah mending Sri Paus Emeritus Benediktus XVI sebelum dimakamkan di Katakombe bawah tanah Basilika Santo Petrus.


Fransiskus, harus berusaha untuk mewujudkan kepercayaan itu, yang "lahir dari doa dan adorasi, mampu membezakan apa yang diharapkan daripada seorang paderi dan membentuk hatinya dan keputusannya sesuai dengan masa yang baik Tuhan."

Dalam perjumpaan doa syafaat ini, Tuhan memunculkan kelemahan yang mampu memahami, menerima, berharap, dan berani melampaui salah faham yang dapat dihasilkan oleh hal ini. Ini adalah keberhasilan yang tidak terlihat dan tidak dapat difahami yang datang dari mengetahui di tangan siapa seseorang menaruh kepercayaannya (bdk. 2 Tim 1:12).

Doa dan kepercayaan yang memuja yang memungkinkan paderi untuk memahami apa yang perlu dilakukan dan menyesuaikan hati dan keputusannya dengan waktu Tuhan (bdk. Yoh 21:18): "Mencintai juga menjadi rela menderita. Dan mencintai berarti: memberi domba apa yang benar-benar baik, pemeliharaan kebenaran Tuhan, pemeliharaan firman Tuhan, pemeliharaan kehadiran-Nya". (*Benediktus XVI, Homili pada Misa Perasmian, 24 April 2005.*)

Lampu dan minyak dalam penginjilan

"Dalam kita berusaha untuk mengikuti Tuhan sebagai komuniti ekslesial, kita juga ingin mengikuti langkah-langkah-Nya dan memohon saudara kita (Benediktus) ke tangan



Sebelum peti jenazah ditutup, setiausaha sulit Sri Paus Benediktus XVI, Uskup Agung Georg Gänswein dan Msgr Diego Giovanni Ravelli, ketua upacara-upacara Liturgi untuk Bapa Suci, meletakkan kain putih pada jenazah Bapa Suci. Ini adalah sebahagian ritus pemakaman bagi para Sri Paus. (Gambar/CNA)

Bapa ... semoga tangan-tangan yang penuh belas kasihan itu menemui lampunya dengan minyak Injil yang dia sebarkan dan memberi kesaksian sepanjang hidupnya."

Pada akhir homilinya, Sri Paus Fransiskus

berkata, "Benediktus, sahabat setia Mempelai Laki-Laki, semoga sukacitamu menjadi lengkap ketika engkau mendengar suara-Nya secara definitif dan selama-lamanya!" — *media Vatikan*

'Kambing hitam' yang memurnikan dosa

Dalam novelnya, *Oscar dan Lucinda*, Peter Carey memberikan gambaran bergosip yang berwarna-warni. Latar belakang bersuasana bandar kecil di mana terdapat khabar angin tentang seorang paderi dan seorang wanita muda.

Berikut merupakan metaforanya: "Vikar Woolahra membawa gadis muda itu membeli-belah dan bersiar-siar."

Masyarakat di situ selalu memandang aktiviti membeli belah adalah aktiviti paling intim. Mendengar seorang paderi dan gadis muda pergi membeli belah, suasananya menjadi seperti paip panas yang mengeluarkan asap, berdesis-desis.

Gosip semakin 'memanas', malah suara-suara sumbang sudah kedengaran di 'dinding, bawah tanah dan siling'.

Mereka membayangkan paderi itu membayar barangan yang dipilih oleh gadis itu kerana si gadis tidak akan membuka dompetnya, malah dilaporkan lagi, paderi itu membeli sepasang *cufflinks* – cerita ini meskipun tidak meletup, tetapi tetap berterusan, supaya walaupun ia tidak mencapai tahap kemarahan, tetapi bunyinya seperti nada mengeram anjing kecil, di dalam dan tidak kuat. Betapa tepatnya imej ini!

Gosip menyerupai desis dan asap yang keluar dari radiator atau nada mengeram anjing kecil, biarpun kecil tetapi di kalangan masyarakat, ia mampu mencetuskan 'kemeriahan'

sendiri.

Dalam sebahagian besar kehidupan kita, hidup kita telah dibentuk oleh komuniti sekeliling kita. Bagaimana?

Bayangkan anda keluar makan malam dengan sekumpulan rakan sekerja.

Walaupun tidak ada permusuhan di kalangan anda, tetapi perbezaan dan ketegangan tetap berlaku.

Jika boleh, anda memang tidak akan memilih keluar untuk makan malam bersama-sama, tetapi anda adalah sebahagian daripada kumpulan pekerja dan harus menunjukkan sikap yang baik.

Anda makan malam bersama-sama dan sepanjang makan malam itu, ia berjalan dengan lancar. Ia berlangsung dengan harmoni, saling bergurau dan berjenaka di meja makan.

Bagaimana anda berjaya melalui makan malam tanpa ketegangan meskipun ada perasaan geram dan tidak serasi?

Dengan bercakap tentang orang lain!

Anda berjaya makan malam yang menyenangkan kerana kebanyakan masa dihabiskan untuk bercakap tentang kesalahan orang lain, tentang eksentrikiti dan kekurangan orang lain yang dipersetujui bersama.

Sebagai alternatif, kita bercakap tentang ketidakpuasan hati bersama.

Makan malam itu akhirnya berakhir dengan harmoni kerana sepanjang aktiviti itu, kita bercakap ten-



tang seseorang atau sesuatu yang lain, yang mempunyai perbezaan besar daripada kita.

Sudah tentu, semasa makan malam itu, anda takut untuk meninggalkan meja buat seketika, kerana anda tahu, siapa yang akan dibicarakan semasa ketiadaan anda! Ketakutan anda memang berasas.

Selagi kita belum mencapai tahap kematangan tertentu, kita membentuk komuniti yang sebahagiannya suka mengambil "kambing hitam" bagi mengatasi perbezaan dan ketegangan.

"Kambing hitam" ialah seseorang atau sesuatu yang dilemparkan dengan kemarahan, cemuhan, tidak puas hati atau cemburu.

Tulah fungsi antropologi gosip - dan ia adalah sangat penting. Kita mengatasi perbezaan dan ketegangan kita dengan "mengkambing hitamkan" seseorang atau sesuatu.

Tulah sebabnya lebih mudah untuk membawa komuniti untuk menentang sesuatu daripada bersatu atau mempertahankan sesuatu.

Budaya kuno memahami perkara ini dan telah mewujudkan ritual tertentu bagi meredakan ketegangan di kalangan masyarakat dengan menggunakan kambing hitam.

Sebagai contoh, pada masa Yesus dalam komuniti Yahudi, terdapat sebuah ritual yang pada dasarnya berfungsi dengan cara ini: Secara berkala, masyarakat akan menggunakan seekor kambing dan secara simbolik mereka membuang segala ketegangan dan semua perkara yang boleh memecah belahkan masyarakat.

Antara lain, mereka akan meletakkan kain ungu pada kambing itu yang secara simbolik mewakili mereka dan menolak mahkota duri ke dalam kepala kambing itu agar ia merasakan kesakitan akan tekanan tersebut. (Perhatikan bagaimana Yesus mewakili simbol-simbol ngeri tersebut apabila Pilatus menyerahkannya kepada orang ramai sebelum Dia disalibkan: *Ecce homo ... Lihatlah kambing hitam anda!*)

Kambing itu kemudian diusir ke padang pasir untuk mati. Apabila kambing itu ke padang pasir, ia menandakan ia telah membawa bersama dosa dan ketegangan masyarakat, menjadikan masyarakat bebas daripada ketegangan serta penderitaan mereka.

Yesus adalah kambing hitam kita. Dia mengambil dosa dan punca perpecahan kita, walaupun bukan dengan diusir atau dibuang daerah daripada masyarakat.

Dia mengambil dosa-dosa kita dengan membawanya ke bahu, me-

mikulnya dan mengubahnya agar ia tidak lagi kembali dalam bentuk dosa atau ketegangan.

Yesus mengambil dosa seperti penapis air membersihkan, yang mengambil semua kekotoran dan memberikan hanya yang bersih dan murni.

Apabila kita mengatakan Yesus mati kerana dosa-dosa kita, kita perlu memahaminya dengan cara ini: Dia mengambil kebencian dan memberi kembali cinta; Dia mengambil kutukan dan memberi kembali berkat; Dia mengambil kepahitan dan memberi kembali kemurahan; Dia mengambil cemburu dan memberi kembali keyakinan dan Dia rela dibunuh dan memberi kita kembali, pengampunan.

Dengan menyerap dosa, perbezaan, dan cemburu kita, Dia menerima segala kekurangan kita, ketidakmatangan kita dan kelemahan kita yang selalu "menyalibkan" orang lain melalui gosip.

Dan inilah ajakan Yesus kepada kita: Sebagai orang dewasa, kita dijemput untuk bangkit dan melakukan apa yang Yesus lakukan, iaitu, mengambil perbezaan dan cemburu di sekeliling kita, memegangnya dan mengubahnya supaya dapat memberikan yang terbaik untuk mereka.

Maka, kita tidak akan memerlukan kambing hitam lagi, dan paip panas gosip akan berhenti mendesis dan nada mengeram anjing kecil itu akhirnya akan diam. — Hakcipta Terpelihara 1999-2023 @ Fr Ron Rolheiser

Menjadi saksi Tuhan yang ulung dan setia

Sebagai umat Kristian kita percaya dan akui bahawa hanya Yesus Kristus satu-satunya Juruselamat dunia dan tidak ada lagi yang lain selain daripada Dia.

Kita percaya dan akui bahawa Yesus adalah Tuhan yang menjadi manusia seperti kita yang dikenali sebagai Putera Tuhan supaya manusia dapat membangun hubungan intim dengan Tuhan melalui peribadi-Nya.

Misi utama Tuhan Yesus ke dunia adalah untuk menyelamatkan manusia daripada kematian dosa. Melalui ajaran dan kehidupan-Nya, Yesus menyatakan kepada dunia mengenai cinta kasih agung Tuhan yang mahu menyelamatkan semua manusia.

Dalam pembacaan Injil hari ini menyatakan tentang kesaksian Yohanes Pembaptis mengenai Yesus Kristus, Yohanes melihat pembaptisan Yesus sebagai permulaan misi penyelamatan-Nya di dunia. Tuhan telah memilih Yohanes pembaptis untuk memperkenalkan Yesus sebagai Anak Domba Tuhan penghapus dosa dunia. Roh turun atas Yesus dan tinggal pada-Nya.

Bagi Yohanes itulah tanda bahawa Yesus merupakan yang diurapi



oleh Tuhan atau Mesias. Yesus adalah Juruselamat, hamba pilihan Tuhan yang diutus untuk menebus manusia dari kematian kekal akibat dosa dan memperbaharui kehidupan mereka yang percaya kepada-Nya dalam Roh Kudus.

Yesus datang sebagai terang dunia dan memberi kehidupan kepada semua orang. Dia telah menyempurnakan misi-Nya dengan mengorbankan seluruh hidup-Nya di kayu salib. Sebagai umat Kristian kita juga diutus untuk meneruskan misi Kristus untuk menerangi kehidupan sesama kita.

Kita dituntut untuk menghidupi

panggilan hidup Kristian kita dan mengambil bahagian dalam pengorbanan dan kematian Yesus supaya kita memperoleh kehidupan kekal. Melalui kesaksian iman kita, semoga mereka yang masih hidup dalam kegelapan dapat diterangi oleh Kristus yang tinggal di dalam kita.

Marilah kita satukan jawaban kita kepada panggilan Tuhan dengan ungkapan mazmur tanggapan, "Ya Tuhan aku datang melakukan kehendak-Mu." Kita berdoa agar kita setia melakukan dan menghidupi panggilan Tuhan kepada kita.

HARI MINGGU BIASA II TAHUN A

YESAYA 49:3-6

1 KORINTUS 1:1-3

INJIL YOHANES 1:29-34

Pembacaan pertama menyatakan bagaimana Tuhan membentuk dan mempersiapkan umat-Nya dengan tujuan istimewa. "Engkaulah hamba-Ku, Israel, oleh mu Aku akan menyatakan keagungan-Ku...Aku akan membuat engkau menjadi terang bagi bangsa-bangsa supaya keselamatan karya-Ku sampai ke hujung bumi."

Misi dan panggilan bagi hamba Tuhan ini adalah untuk membawa penyembuhan dan kehidupan kepada orang lain melalui penderitaan dan kematiannya.

Hamba yang menderita ini adalah Yesus Kristus yang diutus menjadi terang dunia (Yoh 8:12).

Pembacaan kedua berbicara tentang panggilan untuk setiap umat Kristian menjadi kudus. Santo Paulus menekankan bahawa dia telah dipanggil oleh Yesus untuk menjadi rasul-Nya.

Dia memberikan kita tauladan bagaimana hidup dalam kekudusan dan sebagai seorang Kristian yang komited dan efektif dalam meneruskan misi Kristus mewariskan Injil.

Dia bukan saja yang pertama mendirikan gereja di Korintus dalam perjalanannya yang kedua (Kis 18:1-18), tetapi dia tetap membawa mereka dalam doanya setiap hari.

Paulus tetap mengutus surat untuk mereka bagi menguatkan dan memberikan sokongan moral dan rohani kepada mereka.

Dalam Suratnya Paulus memberikan salam kepada umat di Korintus yang baru menjadi orang Kristian. Hidup Paulus banyak disemangati oleh Kristus yang mengasihi manusia lebih dari segalanya. Marilah kita teladani semangat santo Paulus ini. — imankatolik.org

Bangunkan budaya mengucapkan “Tuhan memberkati kamu”



Gambar ilustrasi. Cahaya lilin membawa tanda perdamaian dan mengingatkan umat bahawa Yesus adalah Sang Cahaya yang menerangi kegelapan.

LIMBAHAU: “Lupakan memori pahit 2022, bina memori indah bersama Yesus dan keluarga untuk tahun baru 2023. Lakukan sesuatu yang baik untuk diri anda, keluarga dan komuniti setahun ini,” kata Msgr Nicholas Stephen (Msgr Nik) semasa memimpin Misa Kudus Senja sempena Pesta Maria Bonda Tuhan pada Disember 31, 2022 di Gereja Holy Rosary Limbahau.

Sebelum perayaan Ekaristi, Msgr Nik terlebih dahulu mengadakan upacara para liturgi iaitu “Pengampunan”. Umat yang menyalakan lilin, menyerahkan lilin itu kepada ahli keluarga atau rakan bagi saling memohon kemaafan. Ia juga sebagai tanda, meninggalkan kehidupan lama 2022, ajakan untuk memilih damai dan melayani lebih sungguh bagi tahun 2023.

Lilin yang bernyala itu juga merupakan tanda Yesus Sang Cahaya yang mengalahkan kuasa kegelapan dan pelita yang me-

nerangi iman para umat.

Dalam homilinya, Msgr Nik menyentuh tentang hal saling memberkati. Paderi itu menggalakkan ibu bapa membuat tanda Salib pada anak-anak sebelum ke sekolah, selepas berdoa atau sebelum tidur.

Begitu juga dengan perkataan, “*God Bless You*.” Menurut Msgr Nik, sangat baik untuk membudayakan kata “*God Bless You*” di kalangan keluarga dan sesiapa sahaja yang kita temui. Dengan mengungkapkan kata-kata itu, “Kita menyampaikan berkat dan kasih Tuhan. Dan percayalah, berkat itu juga akan kembali kepada anda,” ujar Msgr Nik.

Sempena Pesta Maria Bonda Tuhan, Msgr Nik mengingatkan umat agar sentiasa berdoa Rosari kerana “Melalui Bonda Maria, Gereja telah banyak mendapat rahmat. Melalui Maria, kita belajar bagaimana mengasihi dan taat kepada Yesus.”

Berkongsi sukacita Natal dengan penganut agama lain

SUBANG JAYA: Selepas tiga tahun berlalu, Pelayanan Hal Ehwal Ekuimenikal dan Antara Agama (PMEIA) Gereja St Thomas More (STM) menganjurkan majlis minum petang menjelang Krismas bersama pemimpin agama lain dari kawasan kejrannya di Subang Jaya, USJ dan Putra Heights, pada Disember 10 tahun lalu.

Bertujuan untuk menyemarakkan persahabatan dan berkongsi kasih sayang, kegembiraan dan ketenangan Krismas bersama rakan-rakan bukan Katolik, majlis ini turut dihadiri oleh ADUN Subang Jaya, YB Michelle Ng.

Dalam ucapannya, beliau menggalakkan aktiviti sedemikian dan menyatakan sokongannya untuk acara ini diadakan lagi pada masa depan.

Pembantu Pelayanan Hal Ehwal Eku-

menikal dan Antara Agama Keuskupan Agung (AMEIA), Fr Xavier Andrew, turut hadir.

Paderi Paroki STM, Msgr Patrick Boudville bertemu dengan pelbagai pemimpin agama buat kali pertama sejak beliau melayani di paroki tersebut.

Selepas ucapan alu-aluan daripada Msgr Patrick dan taklimat ringkas oleh ketua penyelar PMEIA, Angeline Lesslar, tetamu dibawa melawat sekeliling gereja.

Persembahan karolers menghiburkan tetamu sepanjang majlis. Lagu-lagu Natal yang dinyanyikan membawa suasana ceria dan harmoni di kalangan penganut pelbagai iman.

Disebabkan pelbagai sekatan dan halangan semasa pandemik, maka perancangan yang direncanakan oleh majlis antara aga-



ma pada tahun 2020, dibatalkan.

Majlis Antara Agama yang terdiri daripada wakil-wakil dari Gereja Katolik dan gereja-gereja Kristian yang lain, Muslim,

Buddha, Hindu, Sikh, dan ahli-ahli agama Bahai akan mengadakan pertemuan mereka bagi merancang aktiviti-aktiviti untuk tahun 2023.

KONSULTASI KELUARGA



Adakah anda mempunyai persoalan agama, Kitab Suci atau ajaran Gereja?

Hantarkan soalan anda ke:

HERALD
5, Jalan Robertson,
50150 Kuala Lumpur

Tel: 03-2026 8291

Email:
liza@herald.com.my

Anak tunggal tidak mendengar kata

Kami mempunyai masalah dengan anak tunggal perempuan kami yang baru berusia sembilan tahun. Ketika saya dan isteri memberitahu atau melarang sesuatu kepadanya, dia selalu melawan atau tidak mahu mendengar. Harap dapat dibantu. — Ray

Jawaban: Melalui soalan Sdra, saya memahami bahawa Sdra dan isteri Sdra bimbang akan sikap anak tunggal Sdra.

Pada dasarnya, anak dapat bertumbuh dan berkembang secara baik dengan adanya bimbingan dan pendampingan yang tepat dari lingkungan terdekat.

Harapan kita, anak akan mengenali dirinya dan juga siap saat berhadapan dengan lingkungan sekitar. Bimbingan dan pendampingan yang tepat dapat dilakukan dengan cara memahami karakteristik anak sesuai dengan usianya, menerapkan pola komunikasi yang efektif antara orang tua dan anak, serta penerapan pola asuh yang baik demi pertumbuhan dan perkembangan anak secara optimal.

Seorang tokoh Psikologi Perkembangan bernama Hurlock mengatakan, tugas perkembangan anak usia sembilan tahun adalah, *pertama*, belajar keterampilan fizikal yang diperlukan untuk bermain.

Kedua, sebagai makhluk yang sedang tumbuh, mengembangkan sikap yang sihat mengenai diri

sendiri.

Ketiga, belajar bergaul dengan teman sebaya. *Keempat*, mulai mengembangkan peranan sosial laki-laki atau perempuan. *Kelima*, mengembangkan keterampilan-keterampilan dasar untuk membaca, menulis, dan mengira. *Keenam*, mengembangkan pengertian-pengertian yang diperlukan untuk kehidupan sehari-hari. *Ketujuh*, mengembangkan kata batin, moral, dan skala nilai. *Kelapan*, mengembangkan sikap terhadap kelompok sosial dan lembaga. *Kesembilan*, mencapai kebebasan peribadi.

Dari gambaran tugas perkembangan itu, adalah baik anak Sdra bermain di lingkungan sosialnya, belajar untuk mengembangkan apa yang dipilih dan disukai.

Penting mewujudkan rasa selesa untuk berkomunikasi dengan ibu bapa sehingga anak dapat secara bebas mengutarakan keinginannya kepada ibu bapa dan ibu bapa juga dapat mengetahui keperluan dan keinginan anak. Komunikasi yang baik akan memberikan suasana yang nyaman bagi semua pihak untuk saling mendengarkan.

Komunikasi antara ibu bapa dan anak dapat dilakukan dengan beberapa cara: *Pertama*, panggilah nama misalnya, “anak mama” atau “anak papa” untuk mendapatkan perhatiannya dan usahakan bicara dalam jarak yang dekat, agar *volume* suara tidak terlalu keras dan nyaman untuk didengar. *Kedua*, ada kontak mata yang setara.

Ketiga, gunakanlah kata-kata yang positif dan konkrit. Kata yang positif mampu membangun kepercayaan diri anak dan membuat anak merasa nyaman untuk mendengarnya.

Contoh kata positif adalah saat memberikan apresiasi kepada anak atas perilaku, biarpun ia sederhana atau kecil. Contohnya apabila si anak mengemaskan tempat tidur, katakanlah, “Terima kasih kakak sudah merapikan tempat tidur. Kakak memang bertanggung jawab yah.”

Kata positif atau apresiasi itu akan diingat oleh anak dan akan membuatnya untuk mengulangi lagi sikap baiknya itu. *Keempat*, usahakan untuk memahami perasaan anak, fahami emosi mereka dan jika anak merasa marah, sedih mahupun kecewa, berikanlah waktu untuk menenangkan diri, dan tetap temani anak.

Kelima, bersikaplah tegas. Saat berbicara dengan anak, gunakan bahasa yang positif, jelas, konsisten, dan lakukan dengan yakin. Beritahu kepada anak hal-hal yang harus dilakukan, alasan, dan cara melakukannya. Berikan pilihan sehingga anak memiliki alternatif. Misalnya, “Kalau kakak sudah selesai belajar, kakak boleh menonton TV atau bermain *game*.”

Selamat menjadi ibu bapa yang terus mahu memahami anak dan saling belajar daripada anak, serta menjaga pola komunikasi yang menimbulkan kenyamanan bagi semua pihak. — hidupkatolik.com

Sahabat kecil Yesus

Isi tempat kosong dengan jawapan yang sesuai. Rujuk jawabannya dalam Injil Yohanes 1:29-34.



Kesaksian Yohanes Pembaptis tentang Yesus, Sang Mesias.

“Aku telah melihat _____ turun dari _____ seperti _____, dan ia tinggal di atas-Nya. Dan akupun tidak mengenal-Nya, tetapi Dia, yang _____ aku untuk _____ dengan _____, telah _____ kepadaku: Jikalau engkau melihat _____ itu turun ke atas seseorang dan tinggal di atas-Nya, Dialah itu yang akan _____ dengan _____.”


ROH	MERPATI	LANGIT
MENGUTUS	AIR	
MEMBAPTIS	BERFIRMAN	TINGGAL
	ROH KUDUS	



Cari LAPAN perbezaan pada gambar di bawah. Dan jangan lupa mewarnakannya.



Aku telah melihat Roh turun dari langit seperti merpati, dan ia tinggal di atas-Nya (Yoh 1:32)



Jika Yohanes membaptis dengan air... Yesus membaptis dengan ... ?



Susun semula perkataan di atas untuk mendapatkan jawabannya.

Hello adik-adik,

Apa khabar? Ramai orang yang berusaha untuk menjadi popular atau terkenal.

Menjadi popular bermakna kita akan menjadi orang yang penting dan berpengaruh.

Kita akan mempunyai ramai peminat dan apa sahaja yang kita lakukan pasti mendapat perhatian.

Tahukah adik-adik, semasa zaman Yesus, ada seorang tokoh yang sangat terkenal dan mempunyai pengikutnya.

Tetapi, orang itu se-

dar bahawa dia tidak seharusnya menonjol.

Orang itu adalah Yohanes Pembaptis.

Meskipun terkenal tetapi Yohanes mendedahkan hati kerana dia tahu, ada Seorang yang lebih agung dan lebih kudus daripadanya.

Di tengah dunia yang mengagungkan populariti, mari kita meneladani Yohanes yang mengenal Yesus sebagai Mesias dan tahu bahawa popularitinya tidak setanding dengan Sang Juruselamat!

Antie Melly

BELIA MILENIUM

Imbasan seruan mendiang Benediktus XVI untuk kaum muda

ROMA: Semasa menghadiri Hari Belia Sedunia (WYD) terakhirnya sebelum bersara, Sri Paus Benediktus XVI menggalakkan golongan muda di seluruh dunia untuk memelihara kegembiraan Kristian dalam hati mereka.

Pada setiap Hari Belia Sedunia, mendiang Sri Paus menyeru golongan muda untuk mengikuti bimbingan Injil dengan menggunakan tema berbeza-beza dari Kitab Suci.

Berikut merupakan kata-kata perangsang Benediktus XVI kepada kaum muda, dari tahun 2005 hingga 2012:

WYD 2005

WYD pertama Benediktus sebagai Bapa Suci disambut di negara asalnya, Jerman.

Berucap kepada 1.2 juta orang di Cologne, prelatus itu menggalakkan semua untuk mencari kegembiraan yang ditawarkan dalam Misa Hari Minggu. Tema Hari Belia Sedunia pada tahun 2005 ialah "Kami telah datang untuk menyembah Dia."

WYD 2006

Benediktus menggalakkan golongan muda untuk membaca Alkitab semasa WYD 2006. WYD di peringkat keuskupan pada tahun itu dirayakan di seluruh dunia pada April 9.

Tema untuk WYD tahun itu ialah, "Firman-Mu itu adalah pelita bagi kaki ku dan terang bagi jalan ku."

Mendiang Bapa Suci Benediktus menggesa kaum muda agar menjadi akrab dengan Alkitab, dan memilikinya supaya ia boleh menjadi kompas kaum muda yang menunjukkan jalan untuk diikuti.

Prelatus juga memetik kata-kata terkenal daripada Sto Jerome, "Jahil tentang Kitab Suci maka jahillah juga tentang Kristus" (PL 24,17; rujuk *Dei Verbum*, 25)



Mendiang Sri Paus Benediktus XVI merayakan WYD 2010.

WYD 2007

Pada tahun 2007, semasa perayaan tempatan WYD, Benediktus menyampaikan refleksi mendalam tentang cinta dan kepentingannya dalam kehidupan semua orang.

Dengan tema, "Sama seperti Aku telah mengasihi kamu demikian pula kamu harus saling mengasihi", mendiang Sangti Papa Benediktus mengatakan,

"Cinta adalah satu-satunya kuasa yang mampu mengubah hati manusia dengan membuah hasil hubungan antara lelaki dan wanita, antara kaya dan miskin, antara budaya dan tamadun."

Sri Paus Benediktus XVI juga memberikan contoh Ibu Teresa dari Calcutta yang sangat bertindak balas akan cinta Yesus bukan dengan kata-kata melainkan dengan tindakan konkrit.

WYD 2009

Sambutan tempatan diadakan pada April 5 dengan tema, "Kita menaruh pengharapan

kita kepada Tuhan yang hidup."

Dalam ucapannya, Benediktus menyeru agar anak-anak muda mengambil contoh Sto Paulus dalam bersaksi akan Kristus.

Bagi Paulus, harapan bukan sekadar ideal atau sentimen, tetapi orang yang hidup: Yesus Kristus, Anak Tuhan. Dengan penuh kepastian ini, dia boleh menulis kepada Timotius, "Kita telah menaruh pengharapan kita kepada Tuhan yang hidup."

"Tuhan yang hidup" adalah Kristus Bangkit yang hadir di dunia kita. Dia adalah harapan sebenar: Kristus yang tinggal bersama kita dan dalam diri kita dan yang memanggil kita untuk berkongsi dalam kehidupan abadi-Nya.

WYD 2010

"Guru yang baik, apa yang harus kuperbuat untuk memperoleh hidup yang kekal?" (Mrk 10:17) merupakan tema WYD peringkat keuskupan pada Mac 28.

Benediktus menyeru golongan muda untuk tidak berputus asa dengan impian mereka dalam menghadapi kesukaran.

Pada tahun itu juga merupakan Tahun para Paderi, maka Benediktus menyeru para belia lelaki dan wanita agar mempertimbangkan jemputan Tuhan untuk bekerja di ladang-Nya yang luas, sebagai paderi atau religius.

"Jangan takut, anak-anak muda yang dikasihi, jika Tuhan memanggil anda ke kehidupan agama, biara atau misionari, atau kehidupan kebaktian: Dia tahu bagaimana untuk memberikan kegembiraan yang mendalam kepada mereka yang menyahut panggilan-Nya dengan keberanian!"

WYD 2011

Bercakap kepada 1.4 juta kaum muda di Madrid, Sepanyol, Benediktus menggalakkan

golongan muda untuk menjadikan Yesus sebagai pusat kehidupan mereka.

Tema untuk WYD Ogos 6-21 ialah "Berakar dan Dibangun di atas Yesus Kristus, teguh dalam iman" (Kolose 2:7).

Mendiang Sang Papa Benediktus mengatakan kepada para belia agar tidak menyimpan Yesus untuk diri sendiri sebaliknya mengongsikan Dia dengan orang lain dengan sukacita.

"Anda diberi tugas yang luar biasa untuk menjadi murid dan misionari Kristus di tanah dan negara lain yang dipenuhi dengan orang muda yang mencari sesuatu yang lebih besar dan, kerana hati mereka memberitahu mereka bahawa nilai-nilai yang lebih tulen adalah wujud, dan jangan biarkan mereka hanyut dengan janji-janji palsu dari kehidupan tanpa Tuhan!"

WYD 2012

WYD 2012, dirayakan dengan tema, "Bersukacitalah senantiasa dengan Tuhan" (Filipi 4:4) pada April 1.

Dalam ucapannya, Benediktus memberi panduan tentang cara memelihara kegembiraan Kristian dalam hati seseorang.

Benediktus XVI memberikan teladan Teresa dari Calcutta yang sangat menarik di mana Santa itu mengalami rasa sukacita yang bersumber daripada Tuhan.

Teresa lebih bersukacita kerana dia lebih suka memberi daripada menerima (Kis 20:35).

Katanya, "Dengan memberi, ia lebih diberkati daripada menerima."

Sri Paus Benediktus juga menekankan, Tuhan adalah sumber sukacita. Seperti Zakheus dan Maria Magdalena yang bersukacita kerana iman mereka menyatakan, kasih Tuhan adalah kemenangan dan penyelamatan!



Kenangan kaum muda bersama Sri Paus Benediktus XVI pada WYD di Madrid Sepanyol, 2011.

Kata-kata terakhir Benediktus XVI

Tuhan... aku mencintaimu

VATIKAN: Setiausaha pribadi Sri Paus Benediktus XVI, Msgr. Georg Gänswein menceritakan kata-kata terakhir Sri Paus Emeritus Benediktus XVI, yang diucapkan pada malam hari beberapa jam sebelum dia meninggal.

Kata-kata terakhir Paus Emeritus Benediktus XVI terdengar di tengah malam oleh seorang jururawat, sekitar jam 3.00 pagi, Disember 31, 2022.

Beberapa jam sebelum dia meninggal iaitu sebelum Joseph Ratzinger memasuki saat-saat terakhirnya, pada ketika itu, kolaborator dan pembantunya bergantian menemani dan menjaganya.

Msgr. Gänswein menceritakan, seorang jururawat mendengar, "hanya dengan bisikan suara, tetapi jelas didengar, Sri Paus Benediktus berkata dalam Bahasa Itali, 'Tuhan, aku mencintaimu!'

Msgr. Gänswein tidak ada di sana pada ketika itu, namun jururawat memberi tahunya tentang hal terse-

but.

Selepas mengucapkan kata-kata itu, Sri Paus Emeritus tidak lagi dapat mengekspresikan dirinya.

Bapa Suci Benediktus XVI kelahiran Jerman, yang memimpin Gereja Katolik dari 2005 hingga 2013, meninggal kerana komplikasi terkait usia pada Disember 31, dalam usia 95 tahun.

Menyoroti kebijaksanaan, cinta, dan kebaikan Sri Paus Benediktus XVI yang luar biasa, ramai pemimpin politik dan agama dunia menyuarakan penghargaan mereka untuk mendiang Bapa Suci itu.

Para pemimpin negara-negara Asia bergabung dengan para pemimpin dunia untuk memberikan penghormatan kepada Sri Paus Emeritus Benediktus XVI, memuji komitmennya terhadap perdamaian dunia.

Perdana Menteri India Narendra Modi mengatakan Sri Paus Benediktus pasti akan dikenang kerana jasanya yang luar biasa kepada

masyarakat.

Katanya, Benediktus seorang teolog dan akademik terkemuka, yang melakarkan sejarah apabila menjadi Bapa Suci pertama yang mengundurkan diri dalam enam abad, yang kemudian membuka jalan bagi konklaf yang memilih Paus Fransiskus.

Sri Paus Benediktus mengabdikan "seluruh hidupnya untuk Gereja dan ajaran Kristus," kata Modi melalui Twitter pada Disember 31.

Perdana Menteri Bangladesh Sheikh Hasina mengeluarkan pesan belasungkawa pada Januari 1, 2023, mengungkapkan "kesedihan yang mendalam" atas kematian Sri Paus Emeritus itu.

Kebijaksanaan tanpa kekerasan Paus Benediktus dan pembentukan perdamaian universal akan selalu dikenang, kata Hasina.

Presiden Pakistan Arif Alvi memuji mendiang paus atas usahanya untuk perdamaian, harmoni, dan dialog antara agama dan menyebutnya

sebagai pejuang yang gigih bagi pelarian dan migran.

Perdana Menteri Shehbaz Sharif juga mentweet menyampaikan belasungkawa beliau kepada seluruh Gereja Katolik.

"Sangat sedih setelah mendapat khabar pemergian Paus Emeritus Benediktus XVI. Dia akan diratapi oleh jutaan orang di seluruh dunia termasuk di Pakistan. Semoga jiwanya beristirahat dalam kedamaian abadi," tulisnya pada Disember 31.

Yaqut Cholil Qoumas, Menteri Agama Indonesia, mengatakan dalam sebuah tweet pada Januari 1, bahawa beliau "mendengar banyak tentang" Paus Benediktus sebagai contoh kerendahan hati.

"Paus Benediktus adalah figura yang ingin merapatkan jurang. Kunjungannya ke Masjid Biru di Istanbul, Turki, pada 2006, menunjukkan komitmennya untuk menjadi jambatan perbezaan," kata ahli politik Indonesia itu. — ucanews.com

Warisan-warisan hebat Joseph Ratzinger

ROMA: Katekismus Gereja Katolik tidak diragukan lagi merupakan salah satu warisan besar daripada Sri Paus Emeritus Benediktus XVI.

Diketahui dengan baik bahawa, tidak seperti Konsili Trente, Konsili Vatikan II tidak memutuskan untuk menerbitkan katekismus Konsilinya sendiri.

Dua puluh tahun setelah Konsili, ramai yang menyedari perlunya cara penyampaian iman yang berkesan dan berbeza. Sinodesinode para Uskup mendesak Bapa Suci untuk menyediakan pengembangan Katekismus Konsili Vatikan II.

Bapa Suci ketika itu, Santo Yohanes Paulus II, telah melantik Kardinal Ratzinger untuk memimpin projek tersebut.

Di bawah bimbingannya, Katekismus tidak menjadi struktur doktrinal yang gersang dan abstrak, melainkan membuat orang memahami keindahan iman.

Tiga Ensiklik Sri Paus Emeritus Benediktus XVI

Mantan Ketua Komisi Kepausan untuk Keadilan dan Perdamaian, Kardinal Renato Raffaele Martino (2002-2009) mengatakan di antara karya-karya rujukan Ajaran Sosial Gereja, ringkasan doktrin Paus Benediktus XVI adalah refleksi mendalam tentang penghayatan Gereja tentang tiga tema: cinta-keadilan-kebenaran.

Ketua Komisi Kepausan Keadilan dan Perdamaian Kardinal Peter Kodwo Appiah Turkson mengatakan, selama lapan tahun kepausannya, Benediktus hanya menulis tiga ensiklik, tetapi semuanya memiliki makna yang luar biasa. Ensiklik *Deus Caritas Est*, dikeluarkan Januari 25, 2006 dalam lapan bahasa. *Ensiklik Spe Salvi*, secara tersu-



rat menyatakan bahawa harapan itu ada dalam iman. Harapan itu bertumbuh dalam iman. Bahkan, harapan itu sendiri adalah iman. Menurut Sri Paus, selalu ada harapan yang membebaskan.

Ensiklik ketiga, *Caritas in Veritate* (2009: Kasih dalam Kebenaran), adalah sebuah bentuk keprihatinan Gereja atas persoalan-persoalan sosio-ekonomi dan masalah-masalah lainnya yang sering tak kunjung selesai.

Uskup Roma kelahiran Jerman pada tahun 1927 ini menulis Ajaran Sosial Gereja ini sebagai tanggapannya atas persoalan zaman.

Persoalan yang muncul biasanya selalu berkembang seiring perkembangan zaman, maka mutlak penafsiran atas persoalan tersebut juga dibaharu.

"Sri Paus Benediktus XVI memberikan pandangannya sesuai konteks zamannya. Tiga dokumen ini tidak memberi petunjuk praktis, melainkan lebih menekankan landasan teologi dan moral untuk mengatasi pelbagai persoalan dengan menekankan prinsip kasih, keadilan, dan kebenaran. — *media Vatikan*

Detik-detik penting dalam hayat Sri Paus Benediktus XVI

TAKHTA SUCI: Kepausan mendiang Sri Paus Emeritus Benediktus XVI sangat penting dan berfokus pada tujuan membawa "Tuhan kembali ke pusat".

Joseph Ratzinger sebagai Sri Paus berlangsung tepat tujuh tahun, sepuluh bulan, dan sembilan hari, bermula pada April 19 2005 dan berakhir pada Februari 28, 2013.

Ia keputusan mengejutkan apabila beliau menjadi prelatus pertama yang mengundurkan diri dari Kepemimpinan Petrine, dalam hampir 600 tahun.

Meskipun kepausannya jauh lebih pendek dari pendahulunya, Sto Yohanes Paulus II, namun beliau telah mencatat beberapa peristiwa penting.

Selama hampir lapan tahun kepausannya, Benediktus melakukan 24 Kunjungan Apostolik ke luar negara; berpartisipasi dalam tiga Hari Belia Sedunia dan Pertemuan Keluarga Sedunia; menulis tiga ensiklik, sebuah Konstitusi Apostolik, tiga Seruan Apostolik; memimpin empat Sinode (dua Biasa dan dua Luar Biasa); melantik 84 kardinal; memproklamasikan 45 santo-santa dan 855 beato-beata, di antara santo yang dinobatkan oleh Sri Paus Benediktus ialah Sri Paus Yohanes Paulus II.

Salah satu tema utama kepausannya adalah keinginannya untuk membawa "Tuhan kembali ke pusat" di dunia di mana beliau mengingatkan, "iman berada dalam bahaya kepunahan" (*Surat kepada para uskup di seluruh dunia – Mac 10, 2009*). Benediktus XVI juga sering menekankan perlunya memurnikan Gereja.

Sri Paus yang berdialog antara iman dan akal

Setelah para pendahulunya – dari Yohanes XXIII sehinggalah Yohanes Paulus II – dan sejalan dengan tema-tema utama yang dipilih

dalam ensiklik pertamanya "*Deus Caritas Est*", Benediktus XVI adalah seorang Bapa Suci yang menyedari pentingnya dialog antara agama dan antara budaya, meskipun ini adalah karakteristik kepausannya yang sering diremehkan.

Dialog oleh Benediktus XVI sering didatangi beberapa isu dan salah faham, namun beliau tetap berusaha untuk menjangkau mereka yang berbeza agama, keyakinan dan budaya.

Tema yang berulang kali di tekankan dalam kebanyakan wacana dan tulisannya adalah hubungan antara iman dan akal: iman mengandaikan akal dan menyempurnakannya, tulisnya.


Contoh tema ini terkandung dalam ucapannya yang terkenal (tetapi disalahfahami) di Regensburg di Jerman, (2006), ucapannya kepada perwakilan dunia budaya di Paris (2008), ucapan bersejarahnya di *Westminster Hall* London (2010) dan sebuah ucapan bersejarah di Bundestag Jerman (2011).

Sri Paus di tengah badai

Pemerintahan Sri Paus Benediktus bertepatan dengan periode yang sangat sukar bagi Gereja, lebih-lebih lagi kemunculan krisis penderaan seksual di kalangan para klerus dan skandal *Vatileaks*.

Dalam ucapan utama pada awal kepausannya, Sri Paus asal Jerman telah mengutuk "kekotoran" dalam Gereja, dan dia menghadapi krisis ini dengan kejelasan dan tekad dan meletakkan dasar untuk reformasi yang diteruskan oleh Sri Paus Fransiskus.

Salah satu ciri khas kepausan Benediktus adalah perjuangan tanpa henti yang jelas dalam menentang pedofilia di dalam Gereja. Hal ini dibuktikan dengan peningkatan tajam jumlah imam yang 'dihukum' pada tahun 2011 dan 2012 (400) kerana terlibat dalam kes penderaan seksual serta



sejumlah uskup yang diberhentikan kerana salah urus krisis.

Angka-angka ini adalah hasil nyata pertama dari reformasi yang dilakukan Benediktus, berjudul "*De Gravioribus Delictis*," sebuah dokumen berisi peraturan yang bertujuan untuk membuat penegakan hukum dan pencegahan penderaan seksual lebih efektif.

Dalam hal skandal kewangan yang melibatkan Vatikan, pujian juga harus diberikan kepada Benediktus XVI kerana memulai reformasi untuk membuat pengelolaan urusan kewangan Takhta Suci lebih telus.

Penyebarnya iman dalam era digital

Reputasinya sebagai ahli teologi yang hebat diakui sebulat suara, tetapi mendiang Joseph Ratzinger juga merupakan komunikator yang luar biasa.

Sebagai ahli teologi, beliau menunjukkan bahawa walaupun topik yang sangat intelektual ia dapat dijelaskan kepada orang awam, bukan di kalangan sarjana sahaja.

Benediktus XVI juga merupakan Paus pertama yang telah menghantar teks (kepada golongan muda di WYD di Sydney), berdialog dengan angkasawan di Stesen Angkasa Antarabangsa, menjawab soalan di TV pada tahun 2011, dan menulis editorial dalam *Financial Times*. — *media Vatikan*

MENGENANG SRI PAUS EMERITUS BENEDIKTUS XVI

Sepuluh kata hikmat Sri Paus Benediktus XVI tentang cinta dan penderitaan

VATIKAN: Ketika Sri Paus Benediktus XVI menerbitkan ensiklik pertamanya, beliau memilih topik yang tidak akan lupak iaitu CINTA.

Mendiang Sri Paus Benediktus memulakan ensikliknya dengan teks Yohanes:

“Tuhan adalah kasih dan sesiapa tinggal dalam kasih, tinggal dalam Tuhan dan Tuhan tinggal dalam dia” (I Yoh. 4, 16).

Perintah kasih merupakan hakikat dari pesan Yesus dan merupakan puncak dari apa yang menjadi jelas dalam Perjanjian

Lama, dalam hukum Taurat dan kitab para nabi: “Kasihilah Tuhanmu dengan segenap hati, jiwa dan kekuatanmu” (Ul. 6:5). Berikut merupakan sepuluh kata-kata hikmat Sri Paus Benediktus tentang CINTA:

1. “Rakan-rakan muda yang saya sayangi, saya ingin menjemput anda untuk ‘berani mencintai.’ Jangan menginginkan apa-apa dalam kehidupan anda melainkan mencintai kerana ia mampu menjadikan seluruh kewujudan anda lebih gembira dan dapat memberi diri anda sebagai hadiah kepada Tuhan dan saudara-saudari anda, sebagai meneladani Dia yang mengalahkannya dengan kebencian dan kematian selama-lamanya melalui cinta. — *Hari Belia Sedunia, 2007*

2. “Setiap daripada kita adalah hasil daripada pemikiran Tuhan. Setiap daripada kita adalah dikehendaki, setiap daripada kita disayangi, setiap daripada kita sentiasa diperlukan.” — *Homili, Dataran St. Peter, April 24, 2005*

3. “Jika kita membenarkan cinta Kristus mengubah hati kita, maka kita boleh mengubah dunia. Ini adalah rahsia kebahagiaan yang sejati.” — *Guanajuato, Mexico, Mac 24, 2012*

4. “Cinta adalah cahaya - dan sehingga pada akhir waktu, cinta adalah satu-satunya cahaya - yang sentiasa dapat menerangi dunia yang redup dan memberi kita keberanian yang diperlukan untuk terus hidup dan bekerja. Kita boleh mencintai dan mampu mempraktikkannya kerana kita diciptakan dalam imej Tuhan.” — *Deus Caritas Est*

5. Cinta bertumbuh melalui cinta.” — *Deus Caritas Est*

6. “Kisah cinta antara Tuhan dan manusia terdiri daripada hakikat bahawa persekutuan



ini akan meningkat dalam persekutuan pemikiran dan sentimen, dan dengan itu kehendak kita dan kehendak Tuhan semakin berpadanan: Kehendak Tuhan tidak lagi kehendak asing bagi saya, sesuatu yang diberikan kepada saya tanpa perintah atau peraturan, melainkan kehendak saya sendiri, berdasarkan kesedaran bahawa Tuhan sebenarnya lebih mendalam hadir kepada saya daripada saya sendiri.” — *Deus Caritas Est*

7. “Jika anda mengikuti kehendak Tuhan, anda tahu bahawa walaupun semua perkara dahsyat yang berlaku kepada anda, anda tidak akan kehilangan perlindungan terakhir. Anda tahu bahawa asas dunia adalah

cinta, jika suatu hari nanti tidak ada manusia yang dapat atau akan membantu anda, anda boleh terus mempercayai Dia — yang mencintai anda.” — *Jesus of Nazareth*

8. “Kematian Yesus pada Salib adalah kemuncak penyerahan Tuhan akan diri-Nya sendiri, di mana Dia memberikan diri-Nya demi membangkitkan manusia dan menyelamatkan mereka. Ini adalah cinta dalam bentuk yang paling radikal.” — *Deus Caritas Est*

9. “Sesiapa yang benar-benar mahu hidup tanpa penderitaan perlu menyingkirkan cinta terlebih dahulu. Ini adalah kerana tidak ada cinta tanpa penderitaan.

Cinta selalu menuntut elemen pengorbanan diri, di tengah-tengah kepelbagaian tingkah laku dan drama situasi — cinta tidak dapat lari dari penolakan dan kesakitan.

“Apabila kita menyedari cara cinta ini bekerja, dan juga proses sebenar di mana manusia menjadi manusia, maka kita juga akan memahami bahawa penderitaan adalah proses yang mematangkan kita.” — *“God and the World: A Conversation with Peter Seewald”*

10. “Maria adalah wanita pencinta. Tidak syak lagi. Sebagai orang yang beriman yang berfikir dengan pemikiran dan kehendak Tuhan, dia tidak pernah gagal untuk menjadi wanita pencinta. Kita mengetahui ini melalui gerak gerinya yang tenang, seperti yang diceritakan dalam Injil.

Dalam peristiwa perjamuan di Kana, dia mengetahui keperluan pasangan di Kana dan memberitahu hal ini kepada Yesus. Kita melihat kerendahan hati Maria, apabila dia dengan rendah hati, hanya berada di belakang Yesus semasa kehidupan awam Yesus, mengetahui bahawa Anak itu harus menubuhkan keluarga baru dan waktu Ibu hanya akan datang dengan Salib, yang akan menjadi detik sebenar Yesus.” — *Deus Caritas Est*

PENULIS BERKICAU

Bapa Suci yang seringkali disalahfahami

Saya baru selesai menghadiri Misa Kudus Smenjelang Tahun Baru 2023 semasa Vatikan mengumumkan pemergian Sri Paus Benediktus XVI.

Ramai di antara rakan-rakan seiman yang keliru antara Sri Paus Benediktus XVI dan Sri Paus Fransiskus. Saya tidak menyalahkan mereka kerana Bapa Suci Benediktus tidak pernah menjejakkan kaki ke Asia. Tetapi saya kagum dengan semangat misionarinya ke bumi Afrika.

Antara kata-kata Benediktus XVI yang menyentuh hati saya ketika ke Afrika pada tahun 2009 dan 2011, dan saya pasti dapat diteladani oleh Gereja lokal kita, “Gereja harus menjadi TANDA dan AIAT dalam persatuan.”

Joseph Ratzinger dari Jerman, juga terkenal dengan pelbagai isu kontroversi semasa kepausannya, mengundurkan diri pada Februari 2013 setelah hampir lapan tahun menjadi pemimpin Gereja Katolik, atas alasan kesihatan fizikal dan mentalnya yang menurun.

Paus Emeritus itu memiliki masa jabatan yang diselubungi pelbagai isu kerana sering kelihatan dihujani pelbagai isu.

Antaranya, Bapa Suci ini ditekam kerana serangkaian masalah tentang penderaan seksual dan dituduh tidak tegas.

Tetapi, prelatus itulah Sri Paus pertama yang meminta maaf atas skandal yang muncul di seluruh dunia, mengungkapkan “penyesalan yang mendalam” dan bertemu langsung dengan para mangsa.

Bagi saya, mendiang Sri Paus itu pejuang membendung sekularisme yang berkembang di Barat dan dengan gigih mempertahankan ajaran tradisional Katolik dengan menolak aborsi, eutanasia, dan perkahwinan sejenis.

Beliau juga menolak tegas pentahbisan wanita, perkahwinan di kalangan paderi serta menggambar hubungan sesama jenis sebagai penghancuran esensi manusia.

Saya sempat risau dan bimbang apabila Benediktus pernah mencetuskan kemarahan orang-orang Muslim dengan ucapannya pada tahun 2006 di mana beliau kelihatan menyokong dasar bahawa Islam adalah kekerasan, memicu protes memamatkan di beberapa negara serta serangan terhadap orang Kristian.

Dalam rangkaian kesalahfahaman itu, Benediktus tetap berusaha untuk menjangkau mereka yang berbeza agama, berbeza keyakinan dan budaya.

Tiga ensiklik Sri Paus Benediktus XVI: *Deus Caritas Est* (2005: Tuhan adalah Cinta), *Spe Salvi* (2007: Diselamatkan oleh Harapan), dan *Caritas in Veritate* (2009: Kasih dalam Kebenaran menekankan kita bahawa Tuhan adalah KASIH dan sesiapa yang berada dalam kasih, dia tetap berada dalam Tuhan dan Tuhan di dalam diam (Yoh 4:16).

Andai kata suatu hari nanti Sri Paus Emeritus Benediktus diberi gelaran pujangga, beliau memang layak kerana kebijaksanaan dan ilmu teologinya yang mendalam, memiliki kejelasan dan luas serta memberi inspirasi.

Semoga roh Sri Paus Benediktus XVI bersemadi dengan damai di sisi Tuhan!

KENYATAAN MISI HERALD

HERALD adalah Minggu Katolik Gereja Malaysia. Ia berusaha untuk menyampaikan berita-berita terkini, nilai-nilai Kristian dan berusaha untuk berdialog dengan semua sektor masyarakat untuk membina komuniti beriman kepada Tuhan yang harmoni. Kami menyokong pembentukan Gereja dan menggalakkan umat awam dan religius untuk membuat keputusan moral di arena luar Gereja.

MENGENANG 22 TAHUN PULANGNYA KE RUMAH BAPA



BRAOH ANAK PADONG

31 DISEMBER 1935 - 14 JANUARI 2001

Yohanes 11: 25-26

Jawab Yesus: Akulah kebangkitan dan hidup; barangsiapa percaya kepadaku, ia akan hidup walaupun ia sudah mati, dan setiap orang yang hidup dan percaya kepadaku, tidak akan mati selama-lamanya.”

Rest In Peace Apai,
kami semua meruan ngenang
serta meruan sayau

1. Roselind Umeh Anak Gumbang
2. Caroline Ngawan Anak Braoh
3. Cathrine Sulan Anak Braoh
4. Pauline Lian Anak Braoh
5. Margret Jelanan Anak Braoh
6. Jackson Semilan Anak Braoh
7. Martin Dangat
8. Peter Anak Jinang
9. Lina Anak Joseph
10. Alexson Alan Martin
11. Cyril Ezvance Anak Martin
12. Maria Astacyllia Lawas Anak Martin
13. Adison Adien Anak Peter
14. Arcellia Addyjanee Anak Peter
15. Aurelia Achiera Anak Peter
16. Angelia Aleona Anak Peter
17. Carla De'Luzziana Anak Jackson Semilan
18. Cariera De' Luzzianna Anak Jackson Semilan
19. Vino Kong

Kita berdoa agar para pendidik boleh menjadi saksi yang dapat dipercayai, mengajar tentang persaudaraan bukannya persaingan dan membantu yang paling muda dan paling lemah di antara semua.

Para Uskup Malaysia mengenang Sri Paus Benediktus XVI

Misa Arwah untuk Bapa Katekismus Gereja Katolik

KUALA LUMPUR: Umat Katolik Malaysia mengiringi pemergian Sangti Papa Emeritus Benediktus XVI, yang wafat pada Disember 31, 2022 lalu dengan Misa Arwah.

Di Keuskupan Pulau Pinang dan Melaka-Johor, Misa Arwah untuk Sri Paus Benediktus XVI diadakan pada Januari 4, 2023.

Uskup Agung Kuala Lumpur dan Keuskupan Agung Kuching pula mengadakan Misa Arwah pada Januari 5, 2023.

Selepas rekoleksi para paderi, Uskup Sandakan, Julius Dusin Gitom bersama para paderi mengadakan Misa Arwah pada Januari 4, di Chapel St Mary.

Di Keuskupan Keningau, umat mengikuti Misa Arwah melalui radio online KekitaanFM pada Januari 5.

Intensi Misa untuk arwah Bapa Suci Benediktus di-doakan di seluruh paroki di Keuskupan Agung Kota Kinabalu dan Sibiu pada Januari 4-5, 2023.

Saya mendengar pelbagai kisah tentang Sri Paus Benediktus XVI daripada para Uskup lain yang bertemu dengan mendiang Bapa Suci itu di Roma. Mereka mengatakan mendiang Bapa Suci Benediktus seorang yang sangat merendahkan diri, bijaksana dan rasul Yesus.



Bagi saya, prelatus itu bukan sahaja mengenal Yesus melalui pembacaan dan ilmu tetapi beliau benar-benar mempunyai pengalaman serta pertemuan sukacita dengan Yesus.

Kalimat terakhir mendiang Sri Paus Benediktus XVI sebelum menghembuskan nafas terakhir, "Yesus, aku mencintaimu" menunjukkan seluruh hidupnya yang benar-benar mengenal Sang Gembala Baik." — *Uskup Agung Julian Leow, Kuala Lumpur*

Sri Paus Benediktus melantik saya sebagai Uskup Pulau Pinang pada tahun 2012. Saya merasai kedekatan saya dengannya lebih-lebih lagi selepas membaca kesaksian rohani terakhirnya yang diterbitkan selepas kematiannya.

Kata-kata terakhir beliau menunjukkan kesederhanaannya yang mendalam dan fokusnya pada Cinta Yesus Kristus terhadap dirinya serta cintanya pada Kristus.

Dia adalah seorang lelaki Kristus dan Tubuh Kristus, Gereja dan kedua-duanya adalah satu realiti baginya.

Kejelasan inspirasi Perjanjian Rohani terakhirnya sangat mengagumkan. Terima kasih Joseph Ratzinger — Sri Paus Emeritus yang terkasih atas kesederhanaan dan keberanian anda.

Doakanlah untuk kami dan untuk pengganti mu, Sri Paus Fransiskus dalam kami menuju ke arah Gereja Sinodal. — *Uskup Sebastian Francis, Pulau Pinang*



Sri Paus Emeritus Benediktus XVI telah memberikan cintanya kepada Gereja melalui ajaran dan tulisannya.

Walaupun beliau tidak pernah ke tanah Asia, Gereja-gereja tempatan telah mendapat banyak manfaat daripada pandangan teologinya.

Semoga jiwanya bersemadi dengan tenang. — *Uskup Agung John Wong, Kota Kinabalu*



Semasa saya berada di Roma pada tahun 2008 untuk Slawatan Ad Limina, mendiang Sri Paus Emeritus bertanya kepada saya di mana letaknya Keuskupan Keningau.

Saya menunjukkan kepadanya peta Keningau, Malaysia dan beliau memberi semangat kepada saya untuk terus melayani umat beriman.

Mendiang Bapa Suci itu akan diingati sebagai ahli teologi terkenal, yang mengabdikan sepanjang hayatnya kepada Gereja, dipandu oleh prinsip dan imannya. Sekarang dia berada di syurga dan saya yakin bahawa dia akan sentiasa berdoa untuk kita. — *Uskup Cornelius Piong, Keningau*

Dengan hati yang berdukacita, kami mengenang Sri Paus Emeritus Benediktus XVI dalam doa sebagai seorang yang sangat memberi inspirasi kepada umat beriman melalui tulisan-tulisan teologi dan ensikliknya sepanjang kepau-san belilau.



Sudah tentu, sebagai lelaki beriman hebat dan sangat mencintai Gereja, beliau terus menjadi inspirasi bagi semua orang. Saya berdoa agar, melalui belas kasih Tuhan, para malaikat dan orang kudus, menyambut dia ke rumah Bapa di syurga. — *Uskup Julius Dusin Gitom, Sandakan*

Keuskupan Melaka Johor menzahirkan rasa sedih apabila mengetahui pemergian Sri Paus Emeritus kesayangan kita, Benediktus XVI, pada hari Sabtu, Disember 31, 2022, pada usia 95 tahun.

Beliau adalah seorang sarjana terkenal dan ahli teologi yang merupakan pembela iman Katolik.

Antara ciri-ciri yang dikaitkan dengan mendiang Bapa Suci ialah kerendahan hati, murah hati dan baik hati.

Semoga Paus Emeritus kita yang wafat ini, Benediktus XVI, kini dalam dakapan belaskasih Tuhan kita. — *Uskup Bernard Paul, Melaka-Johor*



Pertemuan peribadi pertama saya dengan Sri Paus Benediktus XVI adalah semasa Hari Belia Sedunia di Cologne, Jerman pada tahun 2005.

Sebelum Misa penutup, saya dan ratusan ribu beliau berdoa vigili di padang terbuka Marianfield, di mana pada esoknya, kami merayakan Perayaan Ekaristi yang dipimpin oleh Sri Paus Benediktus XVI.

Tiga tahun kemudian, pada Hari Belia Sedunia berikutnya di Sydney pada tahun 2008, saya menemani kira-kira 50 orang muda untuk meraikan WYD dengan Sri Paus Benediktus XVI.

Sungguh mengagumkan bagaimana bicara Sri Paus Benediktus yang sudah lanjut usia tetapi sangat menyentuh hati saya serta para beliau.

Bagi saya, saya gembira kerana dapat menyaksikan satu lagi dimensi Sri Paus Benediktus XVI yang lebih tegas daripada Kardinal Ratzinger tetapi kemudian sebagai Sri Paus yang mengikuti jejak langkah Bapa Suci Yohanes Paulus II, terus berhubung dan memberi inspirasi kepada golongan muda.

Gereja Katolik di Kuching mengucapkan terima kasih atas kurniaan Sri Paus Emeritus Benediktus XVI kepada Gereja, terutama kehadiran senyap dan doa beliau untuk Gereja Katolik setelah bersara di Vatikan. *Requiescat in pace.* — *Uskup Agung Simon Poh, Kuching*

Saya ingin menyertai berjuta-juta orang Kristian di seluruh dunia untuk memberi penghormatan yang mendalam kepada Sri Paus Emeritus Benediktus XVI.

Paus Emeritus adalah ahli teologi yang sangat bijaksana pada zaman kita, pembela iman kita yang hebat. Di antara semua, beliau seorang 'raksasa ketekesis.' Namun dia lembut dalam pertuturan, rendah hati dan seorang pendoa.

Hidupnya adalah kesaksian hidup kepada kita, seorang teladan pemimpin Kristian yang rela bersara apabila kesihatannya merosot. Beliau menghabiskan persaraannya dengan berdoa bersungguh-sungguh bagi pertobatan seluruh dunia. Kata terakhirnya, "Yesus, aku mencintaimu" adalah warisan yang dia tinggalkan untuk kita.

Terima kasih Sri Paus Emeritus Benediktus XVI. **Kami mencintaimu.** Doakanlah kami. — *Uskup Joseph Hii, Sibiu*



Selain seorang yang rendah hati, saya akan mengingati Sri Paus Benediktus XVI sebagai gergasi intelektual dalam mengajar dan membimbing Gereja kepada Kebenaran.

Warisannya, Katekismus Gereja Katolik (CCC) adalah dan akan terus menjadi pusat rujukan untuk pengajaran Gereja untuk masa yang sangat lama.

Semoga rohnya berehat dengan tenang dan menerima ganjaran kekalnya. — *Uskup Richard Ng, Miri*